



WIRUTI WA BIBILIA
WA

KANITHA WA NGAI
WA MUTHENYA WA MUGWANJA

ROBO YA MBERE
2017

YA JANUARY, FEBRUARY NA MARCH
NI YA KUHUTHIRWO NA BIBILIA

ARUTI WIRA NI MARENDEKANA, TONDU MAGETHA NI MAINGI, NO ARUTI WIRA NI ANYINYI

**NO WANDIKE KANA URIE P.O BOX 10184,
JERUSALEM- ISRAEL**

Igaruritwo na igachabwo ni
Knessiah Seventh (7th) Day Church of God
P.O Box 654,
NYAHURURU.

LESSONI YA JANUARI 7,2017

UNDU URIA WONANAGIA GUCIARWO KWERU

Ithoma Inene :-1 Johana 3

Gicigo kia mutwe:1 Johana 4:7,8

1.Niatia kweritwo uhoro wa Akorintho aria metikitie o undu uria uri wama hari ithui muthenya uyu wa umuthi? **2 Akorintho 3:2**

MENYA:Umessiah kuringana na uuma waguo ndungihithika wage kuoneka. Ona ningi no uhoro wama ati ungikorwo utari ho ndungihithika hari mundu o wothe umburaga Messiah ari mundu murume ona kana mutumia.No muhaka gutigatuike ati no gukua tukuaga ritwa ria Mumesiah .No muhaka twirutanirie guikara ota uria ritwa riu ritarie.

2.Nina undu wa watho uriku uria mukuru ona riu tutuikaga aguthimwo nago ? **Mathayo 7:20**

MENYA:Uyu noguo muhari uria andu amwe aria marutaga Bibilia mahitia monanagia merutite. Ona gutuika ni uhoro wama ati nitwagiriirwo ni guciara maciaro hari riri wake.Ni undu utari wa itheru mundu kuoya ritwa ria mundu ungi na akageria guthii na mbere na mitugo ya mundu ucio.

3.Ni maundu mariku meri monanagia uhoro wa guciarwo kweru ?**1 Johana 5:1-3**

MENYA:-Moffatt nionanirie uhoro uyu "Mundu wothe witikitie ati Yahsua niwe Messiah ni aciaritwo ni Ngai,na mundu wothe wendete lthe endete ariu aria maciaritwo niwe.Uu niguu utumaga tukorwo twi nama ati ni twendete ciana cia Ngai ,na undu wa kwenda Ngai na kumenyerera mawatho make".

4.Niatia undu uyu ugwetetwo handu hangi?**Johana 13:34,35**

MENYA:-Tugicoka na thutha hari meciria maria Messiah ahuthirire hari muhari wa 35 githi gutirarumaniriria ati uhoro wa kwendana na ariu a lthe witu ungikorwo nduri ho hari mundu na uria ungi tutingituika arutwo ake?

5.Uhingia wa watho ni uriku ?**Aroma 13:1-13**

6.Niatia ari o muhaka twiyamuranie na thi kuna?**Johana 17:14**

7.Hindi iria tweheana hari Ngai kuna ri,turikoragwo tutarie atia?**1 Johana 3:9**

8.Niatia tungihota guthondeka muturire witu wa Umessiah utuikwa wa gikeno makiria na wina umithio? **2Akorintho 6:14**

MENYA:-Undu uyu hatiri na nganja ni uraingirana hamwe na uhoro wa kihiko hatari hekire mihaka.Amessiah aingi mahingagwo muno makiria thi-ini wa wira wao wa utungati,na undu wa kumenyerera Thabatu gutuika "nigwikirwo mekiritwo icoki hamwe nao" thi-ini wa maundu mao ma mbiacara.

9.Nina njira iriku ingi miturire iitu irionanagia ati niturikitie guciarwo ringi ? **Agalatia 5:24-26**

10.Tugithii gukinyia muthia uhoro uyu ri,twagiriirwo ni gukoragwo tugiika atia?**1Johana 3:24**

LESSONI YA JANUARI 14,2017

KWIIGUA(GUIKARA UTERIGITWO)

ITHOMA INENE:-1 PETERO 4

GICIGO KIA MUTWE:-1 PETERO 4:7

1.Ni nginya ha mundu uria mugi ageririe ikeno cia thi?**Kohelethu 2:10**

2.Ni gikeno kiigana atia kia maundu ta macio makoragwo nakio ?**Kohelethu 2:11;Thimo 14:12-13**

3.Gikeno ta kiu nu ukenagirira?**Thimo 15:21**

4.Ni itua ririku mundu uyu wari muugi akinyiriire gutua ?**Kohelethu 2:13,14**

5. Niki gitumi ati guikara mundu eiguite ni kwega gukira maundu ma ikeno ? **Kohelethu 7:2,3**
6. Niki gitigithukanagia mundu uria muugi na uria mukigu ? **Kohelethu 7:4**
7. Niki mundu uria wari muugi erire mundu uria mwithi eciragie uhoro wakio hindi iria arateng'erania na ikeno ? **Kohelethu 11:9**
8. Ni mukaana uriku uheanitwo wa mundu guikaraga eiguite thi-ini wa: **Tito 2:2-8; Aroma 13:13; 1Petero 1 :13?**
9. Uguo ni kuuga ati andu a Ngai maikarage mena kieha mahinda mothe ? **Thaburi 100:2; Isaia 12:2-3; Luka 6:22,23**
10. Niatia Mumessiah agiriirwo ni gukenaga? **Afilipi 4:4**
11. Niki gitumi ati mundu guikara ehugite na eiguite nikurabatarania? **1Petero 5:8**
12. Ni maundu mariku mangi magiriirwo ni gututongoria uhoro –ini wa guikaraga twiiguite? **1 Petero 4:7**

LESSONI YA JANUARI 21, 2017

KWIIGUITHANIA NA THI

Ithoma Inene :-Aefeso 2:1-22

Gicigo kia mutwe:-Aroma 12:2

1. Ni mataaro mariku mega ari o muhaka Mumessiah wothe amenyerere mahinda mothe ? **1 Johana 2:15-17**
2. Muoroto wa Mumessiah ni uriku muturire –ini? **Akolosai 3:1-3**
3. Ni kionereria kiriku gia kirikaniro kiria gikuru kia maundu ma thi twinakio, omaria maari ma bata muno hari ciana Aisraeli, no Ngai we akiregana namo? **Isaia 2:6-8**
4. Niatia Jakubu atariirie bata wa kwiyamurania na thi? **Jakubu 1:27; 4:4-6**
5. Ni undu –ini uriiku wa muico shaitani ageririe Yahshuah naguo kuria weru –ini ? **Mathayo 4:8,9**
6. Ni kwiriria kuriku gwatumire Aisraeli magwe matuku-ini ma Samueli? **1Samweli 8:5-7**
7. Niatia mataaro ma Petero maretikania na muikarire wa kiriu wa (Wiyathi) wa atumia ? **1 Petero 3:1-6. inao arume? muhari wa 7,8**
8. Niki Mumessiah uria wama ariigaga meciria-ini make mahinda mothe? **Aroma 14:7,21; 1 Akorintho 8:13**
9. Ni mataaro mariku mega Petero atuhete maria twagiriirwo kuiga meciria-ini maitu tugiika undu o wothe ona kana tugithii handu o hothe? **1 Petero 2:9,10.**
10. Hindi iria Petero eciririe undu utatwaranite na wendi wa Ngai niatia Yahshuah amwirire? **Mathayo 16:21-23**
11. Andu aria mena Roho Mutheru ni marigiaga ngwataniro na mawira moru? **Aefeso 5:8-12**
12. Wega wa Ngai niatia uriturutaga? **Tito 2:11-13**

Lessoni ya Januari 28, 2017

IBUKU RIA KUGUURIRIO NA NYAMU IRIA IHONETIO IRINGA RIA KIURAGO

Ithoma Inene:- Danieli 7, ona Kuguuririo 13:1-3

Gicigo kia Mutwe: “ Kurathimwo ni uria uguthoma, na aria mekuigua ciugo cia urathi wa Ibuku riri, na akamenyererera maundu maria maandikitwo amu ihinda ni rikuhiriirie” **Kuguuririo 1:3**

1. Ibuku ria kuguuririo riaheanirwo niundu wa gitumi kiriku na nu waheirwo? **Kuguuririo 1:1**
2. Ni ha nyamu yonanitio ria mbere thi-ini wa maandiko? **Danieli 7:2,7**
3. Niatia kwahanikire o rimwe thutha wa nyamu ici inya kuheo ihinda ria gwathana? **Danieli 7:9,10**
4. Danieli ni atangikire uhoro-ini wigie kioneki giki, na niatia ekire? **Danieli 7:15,16**
5. Ni ndimiriri iriku muraika aheanire? **Danieli 7:17,18**
6. Ni nyamu iriku imwe ya nyamu ici inya Danieli muno? **Danieli 7:19, 20**
7. Ni ihinda rigana atia Danieli onire nyamu ino (iri rungu rwa wathani wa karuhia kanini) ikitutira andu aria aamure mbaara? **Danieli 7:21,22**

MENYA:- O uria hinya wa nyamu ino ya kana ugukorwo ho na ikorwo ikitutithia hinya wayo wira hari andu aria ama matigari riu, ona mahinda maria meguuka onginya mahinda maitu makinye ma kwigwatira uthamaki ri, ni ma ati hena bata munene kumenya nyamu niyo ki na iri ha. Kuoguo ni hari nyamu ino, ndimiriri ya mukaana yagiriirwo ni kuheanwo.

8. Muraika erire Danieli nyamu irugamiriire ki, ohamwe na hia ciayo ikumi? **Danieli 7:23,24**
9. Niatia nyamu ici ciringithanito na nyamu cia kuguuririo? **Kuguuririo 13:1,2**

MENYA:- Rekei tutuirie uhoro wa nyamu ino. Nyamu iria iri thi-ini wa Ibuku ria Danieli ciari muruthi, nduba, ngari na iyo ingi itari na ritwa. Menya makiria ati haugite nyamu ino ya kuguuririo yahanaga ngari, na yari na maguru ma duba, na kunua ka muruthi. Kuuma hau twina nyamu ici ithatu cia Danieli iria irathondeka nyamu ino imwe iri thi-ini wa Kuguuririo. Ningi menya wega makiria ati nyamu ino ya Kuguuririo o nayo yari na mitwe mugwanja na hia ikumi. Ona ningi menya ati uyu wari muigana kuna wa mitwe yothe na hia ciothe cia nyamu cia Danieli. Niundu ucio nyamu ya Kuguuririo ni muhiano mukinyaniru wa nyamu ciothe inya. Ona ningi thirikari ya Roma, iria iri ya kana gwatha thi, yathire kundu guothe kuria kwari mbere iyo rungu rwa nyamu ici ciothe inya, kuona ati wari mutukanio wa nyamu ciothe igatuika kindu kimwe.

10. Niatia guthiite na mbere kwirwo (ukiringithania Danieli na Kuguuririo) uhoro-ini wigie nyamu – wira na hinya wa kunyarirana na muigana wa hinya wayo? **Danieli 7:25(gacigo ka muico) ona ningi Kuguuririo 13:5-7**
- MENYA:- Riu rekei oringi turingithanie Danieli na Kuguuririo uraihu wa ihinda (mieri 42 thi-ini wa muhari wa 5) ihinda riria nyamu ya kuguuririo yari igie na uhoti hari andu aria aamure riiganaine na mahinda na nuthu ya ihinda” thi-ini wa Danieli 7:25**
11. Niatia kwiritwo uhoro wigie nyamu rungu rwa wathani wa mutwe umwe, watihitio na ruhiu? Iringa ria kiurago ni riahonirio? **Kuguuririo 13:3; 12-18**

LESSONI YA FEBRUARI 4, 2017

WIRIRI (KWIRIRA)

Ithoma inene: Atumwo 2:22-42

Gicigo kia mutwe:- 2 Petero 3:9

1. Niatia Bibilia Theru, okio kiugo kia Ngai, kirutanite uhoro wigie kwirira? **Ezekieli 18:31-32**
2. No kuhoteke uhonokio hatari uhoro wa kwirira? **Luka 13:1-5**
3. Niki ari o muhaka twirire? **Atumwo 3:19; 8:20-22**
4. Mutumwo munene Paul ni erire andu no muhaka merire? **Atumwo 20:20,21**
5. Petero ni ahunjagia uhoro wa kwirira? **Atumwo 2:38**
6. Twagiriirwo kumbura hari mundu kana hari Ngai niguu turekerwo mehia maitu? **Atumwo 20:21; Aroma 14:11**
7. Ni kurabatarania ngoro ya mundu wothe kuhera mehia mayo ari mutumia kana muthuri niguu atuike mwana wa Ngai? Na gitumi niki? **Aroma 14:11,12; Aroma 3:23; 5:12; Mariko 16:16**
- MENYA: Ngai ndangieheria mundu ona uriku uthamaki-ini angikorwo ni meririte na mehia mao makahurwo. Ngai aheanaga urekaniri mukinyaniru kuna hari mwihia wothe wiririte.**
8. Mundu ona uriku uria uteririte mehia make ni a kaheo muoyo wa tene na tene? **1 Akorintho 6:9-11; Johana 3:3; Thimo 28:13**
9. Niatia Yahshuah arutanire uhoro wigie kwirira? **Mathayo 4:17; Mariko 1:14,15**
10. Ni ciugo iriku Johana mubatithania ahuthirire agitariria o undu-ini o uyu? **Mathayo 3:5-8**
11. Niatia Bibilia iguuritie uhoro wigie muturire wa Paul (saul) mbere ya atanerira? **Atumwo 9:11-18; 1 Akorintho 15:9; Agalatia 1:13**

12. Thutha wa kwirira gwake muturire wa Paul wari na utiganu na muturire wake wa mbere? **Atumwo 9:20, 23-25, 29.**

Lessoni ya Februari 11, 2017

MUHIANIRE WITU MBERE-INI YA NGAI

Ithoma Inene:- Aroma 3:10-31

Gicigo kia Mutwe:- 1 Johana 3:2,3

1. Mundu ekoraga atarie atia? **Aroma 3:9,23**

MENYA:- Paul, ari ta Muyahundi, ni angioigire uria watho wonanagia uhoro wa wihia hari gikundi kimwe noguo wonanagia hari gikundi kiu kingi. Mbere-ini ya Ngai andu othe monekanaga matari atheru na niundu ucio makabatara thakame ya guthambania iria Yahshuah aitire mutharaba-ini wa kaivari.

2. Ni kuuma hari mutaratara uriku wa uira Paul arehire wa kuonania gutuirwo gwa thi yotho? **Aroma 3: 10-18**

3. Riu gitumi kia watho gikiri kiriku? **Aroma 3:19**

MENYA: Hindi iria mundu akurana mehia make mbere-ini ya Ngai ni undu muhuthu kumuonania njira ya muoyo.

Angikorwo no kuhoteke guthengia watho, hindi iyo uhoro wa wonania wa wihia na meririria ma waganu naundu wa uhoti wa kiugo kia Ngai ona wendi no ituike cia guthengio

4. Umuthi, ni gikundi kiriku Messiah atangikinyira? **Mathayo 8:10-13**

5. Ni ngerekano iriku nene irutanite wiruti uyu? **Luka 18:11-14**

6. Mehia niki mbere-ini ya Ngai? **1 Johana 3:4**

7. Gukuu uhoro ucio wa mehia (Muhonokia atari ho) kurehaga maciaro mariku? **Aroma 6:23**

MENYA:- Aria maregaga mwito wa Roho Mutheru niguo magaruruke muthenya umwe ni magakua waganu wao mari oiki. Horohio ya wihia yathondekeirwo andu othe, no ti othe mangituika agwitikira urekaniri wa tuhu naundu wa thakame iria yaitirwo.

8. Nuu wiki unghota gukua murigo wa mehia na waganu? **Isaia 53:8, 11**

9. Ni mataaro mariku Paul we mwene aheanire mukaana namo? **2 Akorintho 7:1**

10. Thi-ini wa Messiah ri, murugamo witu mweru ni uriku mbere-ini ya Ngai? **1 Johana 3:1**

11. Hindi iria riothe twina kirigiro thi-ini witu muikarire witu wa kiroho wagiriirwo gukorwo utarie atia o tugietagirira gucoka gwake? **1 Johana 3:2,3 rora ona Danieli 12:9 na 10**

Lessoni ya Februari 18, 2017

GUCANJI MAGINETI YA MUNDU NA UNDU WA HINYA WA UTORANIA

Ithoma Inene:- Aroma 8:1-14

Gicigo kia Mutwe :- Aroma 8:28

1. Ni hari watho uria wathaga uruti wa wira wa Roho thi-ini wa miiri itu? **Aroma 8:2**

2. Niatia watho uyu wa Roho wa Muturire uritwikagira uhoro-ini wigie watho? **Aroma 8:2**

MENYA:- Hindi iria watho uyu wa Roho warekwo urute wira thi-ini witu, na undu wa muturire nituriciaraga maciaro ma Roho, na kuoguo tugathiaga twi thi-ini wa wathiki uria mukinyaniru hari maathani mothe. Otugithiaga na mbere niturikoragwo twehereire uhoro ucio wa ituiro ria watho, uria urehage gikuu.

3. Ni hari handu ha mwanya thi-ini wa mwiri wa mundu o mundu ha guikarwo ni Roho Mutheru? **1 Akorintho 3:16 ona ningi 1 Akorintho 6:19,20**

4. Miiri iitu ingikorwo itari na hinya uyu wa Roho, na kuoguo utuike wa guthukio na undu wa guikarwo ni maroho moru, meriria ma thi, meririria ma mwiri, na mehia ri, nyumirira ni iriku? **1 Akorintho 3:17**

5. Nigetha twamukire Roho uyu ri, Ni turabatara gukinya ikinya ria mbere, kana ni twererere Ithe Witu oke kuri ithui? **Jakubu 4:8-10**

6. Ithe witu wa Iguru ni akoragwo ari na wendo kuheana hinya uyu wa kuuma na iguru hari ithui ota uria tukoragwo twina wendo wa kuhe ciana ciutu irio hindi iria ihutie? **Luka 11:11-13**

MENYA Roho mutheru uyu niwaritio uhoro wago uri ta kindu githeru kironekana, na ta “uhoti wa kuuma na Iguru” na “hinya” Ni gicunji kimwe gia ithe witu we mwene, hinya wa mwanya wa kuuma na Iguru uria uingiraga thi-ini wa hekaru ici cia andu o ici ciitu ugatuma tutuike andu a kiroho. Utuiyuragiriria na maundu mega, na ugatuhe maundu macio ma na iguru maria na njira ya kiama magemagia Messiah Muhonokia witu. Nina njira ya kwamukira hinya uyu wiki thi-ini wa miri itu tuiyuragirio na uthingu. .

7. Ni kurabatarania ithui tutuike ahutu, na twiririre kuna hinya uyu uria uritutuaga athingu? **Mathayo 5:6**

MENYA:- Andu aingi mahinda-ini maya, ni marahutira na makanyotera maundu ma guku thi, ngumo, gaturwa, mbeca na ikeno, iria ciothe iri cia tuhu, na kahinda gatari haraihu ni marithira.

8. Nu wahingurire njira, na agituruta uhoro wigie watho uyu wa Roho wa muoyo wa tene na tene? **Johana 8:12**
9. Muhonokia witu uria wokire gutuonia njira, kaingi ni ahuthagira mahinda kwiiga mbere ya Ithe, thi-ini wa mahoya? **Luka 6:12**
10. Thutha wa kuhuthira utuku wothe thi-ini wa mahoya, niki kiomire thi-ini wake githii kuri andu kiria kiamahonirie? **Luka 6:19**

MENYA:- Aingi aitu manakorwo magithaka na Cuma ya magineti hindi iria twari ciana, kana gicunji gia cuma kiria gicanjitwo na thitima ya magineti, na ukona uria yoyaga tucunji tunini twa cuma, na igatunyita igaturumia. No tuoye tucuma tutu kaingi kaiga tugitucokagia ringi na ringi. Muico-ini cuma ino onayo ni igutuika ya gucanjwo na hinya wa magineti oro iyo, onginya ituika ya kuoya tucunji tunini onayo. Undu uyu uronania uria mundu uria uhuthagira mahinda thi-ini wa mahoya ma o muthenya atuikaga wa gucanjwo ni hinya wa magineti ya kuuma na Iguru, iria gikio kia mehia kieheragio gikoima miiri-ini ino iitu ikuaga na igatuika hekaru ya guikarwo ni Roho Mutheru.

11. Thutha wa Mwathani kurikia kuhuthira mahinda thi-ini wa mahoya, niatia kwahanikire hari mutumia uria wahutirie kiohe kia nguo yake? **Luka 8:43-47**

Lessoni Ya Februari 25, 2017

DAUDI MUTHAMAKI MUITIRIRIE MAGUTA

Ithoma Inene:- 1 Samuel 16

Gicigo Kia Mutwe:- 1 Samueli 16:13

1. Ni kiuria kiriku Mwathani oririe, hindi iria Samueli ariragira Saul? **1 Samueli 16:1**

MENYA:- Ndungata o yothe yama matuku mothe ni ikoragwo na uhoro wa gucayanira. Ni ngoro iria njaganu ikenagirira mundu uria urikitie kugua. Paul oigite: Andu aria mari na Roho ni magiriirwo gucokagiriria aria maguite. Agalatia 6:1 Samueli ni angiekire uu, no Ngai, ni akoretwo arikitie kurega Saul. Uremi wa Saul wari wa ruturiko.

2. Niatia Samueli aiguire uhoro-ini wigie gutiriria mundu ungi maguta? Niatia atarirwo nguo eherie uhoro ucio wa gwikuirwo ni Saul? **1 Samuel 16:2,3**
3. Akinya Bethlehemu, anyitirwo na njira iriku? Wira wake wari uriku? **1 Samueli 16:4,5**
4. Niatia ria mbere Munabii Samueli ahutirio na njira ya urikuru ni uhoro wa Eliabu? **1 Samueli 16:6,7**

MENYA:- Mibango ya kubangwo ni mundu na wira wa kwigereria nicio iranina wagiriru (muturire) wa kanitha muthenya uyu wa umuthi. Mwene hinya ni akoragwo na mubango wa Iguru muno hari mundu. Endaga tuingire mubango-ini wake, no titugerie kumuungiria mubango-ini witu.

5. Ni ariu aigana a Jesii mahitukithiirio mbere ya Samueli? **1 Samueli 16:10-12**
6. Roho ni aikarire Iguru ria muriu uria munyinyi wa Jesii thutha wa gutiririo maguta ni Samueli? **1 Samueli 16:13**
7. Niatia kwiritwo uhoro wa muikarire wa kiroho wa Muthamaki Saul kuuma hindi iyo na thutha ucio? **1 Samuel 16:14**
8. Muikarire wa Daudi waikarire atia “mithiire-ini yake yothe” mbere-ini ya andu? **1 Samueli 18:14,16**

MENYA:- Ona kwina muku wa ruthuro thi-ini wa ngoro ya Saul na muoroto wake wa kuraga Daudi guthii unenehete ri, Daudi athire na mbere gwika maundu make na agiikara ari ndungata ya ma hari Ngai na hari Muthamaki.

9. Hindi iria Saul ageririe igeria riake ria muico kuraga Daudi ri, ni undu uriku wa magegania wonekanire? **1 Samueli 26:2, 7-12**
10. Ni macakaya mariku ma kieha Daudi agiire namo hari Saul na Jonathani? **2 Samueli 1:23-27**

MENYA:- Atiriri, inyui irima cia Giliboa, muruaga kugia irera, kana mbura, ona mwage migunda iria ingirutwo indo cia igongona; nigukorwo kuu nikuo ngo ya uria wari hinya muno yaikirio ta kindu gitari bata; li-ni, ngo iyo ya Saul igaikara ota ya mundu utaitiriirio maguta. **1 Samueli 1:21**

Gicigo Kia Mutwe :- “Uria wa gutorania, ni akahumbwio naguo njeru, na ndiri hingo ngathengia ritwa riake ibuku-ini ria muoyo, no ningaumbura ritwa riake mbere ya Awa, na mbere ya araka Ake” **Kuguuririo 3:5**

1. Hena Ibuku ribangitwo kuria Iguru ria maundu ma andu aria maturaga thi ino? **Malaki 3:16**
2. Niatia kwiritwo uhoro wa gukuruo kwa andu aria maritwa mao makoneka mandikitwo Ibuku-ini riri ria Muoyo? **Malaki 3:17, Ona Danieli 12:1**
3. Ni undu uriku ukoneka hari andu andu aria ehokeku, mamenya maritwa mao ni maandikitwo kuria Iguru? **Luka 10:19,20**
4. Ni kuri mabuku mangi mahingurirwo hamwe na ibuku ria muoyo ihinda ria ituiro? **Kuguuririo 20:12**
5. Thutha wa andu kwamukirwo hari famili ya kuria Iguru, na maritwa mao kwaadikwo Ibuku-ini ria Muoyo, na guthii na mbere na uhoro ucio wa uthingu, no kuhoteke maritwa mao makaga kuoneka ho muthenya wa ituiro? **Kuguuririo 3:5**
6. Thutha wa Paul gukorwo ahunjitie uhoro, na agikorwo kuna atukite wa famili ino theru ri, niatia oigire uhoro wigie ugwati wa guteo? **1 Akorintho 9:27**
7. Niatia tuthiite na mbere kwirwo uhoro wigie ugwati wa kugua, thutha wa kurikia guitiririo maguta na tugacama kiheo kia Roho Mutheru? **Ahibirania 6:4-8 ;1 Akorintho 10:12**
8. Niatia gukahanika hindi iria mundu uria uturite muturire wake wothe wihia-ini agarurukira uhoro wa uthingu matuku-ini make ma thutha, kana hindi iria mundu muthingu atigana na uthingu? **Ezekieli 33:12, 15-19**
9. Nyumirira ya andu aria maritwa mao matari Ibuku-ini ria Gaturume ria muoyo ni iriku? **Kuguuririo 20:15; ona 21:27**

IBUKU RIA KIRIRIKANO

“... Aria maranagiria mundu na uria ungi nake Mwathani agithikiriria, Na akiigua, na Ibuku ria kiririkano rikiandikwo rikiiguu mbere yake ria andu aria metigagira Mwathani, na aria meciragia uhoro wa ritwa riake. Nake Elohim munene wa Ita ekuuga atiri, acio nio ngatua akwa riria muthenya wakwa wa giathi ugakinya, ndimatue andu akwa kiumbe, mahanite ta kindu kiamure kia muthithu, ningi ndimacaire ota uria mundu acayagira muriu uria umutungatagira”. **Malaki 3:16,17**

Lessoni ya Machi 25, 2017

KWIGITIRA HARI NYAMUKANO NA UHENANIA

Ithoma inene:- 1 Akorintho 3

Gicigo kia Mutwe:- Aroma 16:17

1. Hena ugwati ona uriku wa kuhenio? **Akolosai 2:8; 1 Johana 4:1**
2. Niatia gukahanika hari andu aria marumagirira urutani wa mundu? **Akolosai 2:20-22**
3. Arutwo ni mataukiirwo ni uhoro kana wira wa Messiah ria mbere? **Luka 9:51-56**
4. Ona thutha wa Bendegothito niatia Petero aremirwo ni gutongoria Kanitha? **Agalatia 2:11-13**
5. Nina njira iriku andu mahenagio raithi muno? **2 Petero 2:1-3**
6. Niundu uriku utari mwega waumirire kuria Akorintho uria hihi ungiatumire maheneke? **1 Akorintho 1:11-13**
7. Niki etikia amwe mageragia kurehe thi-ini wa Kanitha mahinda ma Paul? **Agalatia 4:8-11; Atumwo 15:5**
8. Nina undu wa ciugo iriku cia hinya Paul etiririe morutani maya? **Atumwo 15:10**
9. Ni undu uriku wikuo muthenya uyu wa umuthi uria wahingaga ona Kanitha uria wari kuo tene? **2 Johana 1:9, 10**
10. Ni atia Johana aheire Amessiah mukaana uhoro-ini wigie ahenania matuku-ini make? **2 Johana 1:6,7**
11. Niki ari o muhaka Mumessiah eke niguo amenye ma na ndagatuike wakuhenio? **1 Johana 4:1**

MENYA:- Andu aria mahenagio no matuikie akugayanio ikundi igiri. Ni kuri andu aria mendete muno irira cia andu na kuogwo makarega gwitikira uira wa kuuma Bibilia-ini tondu Kiugo githeru kia Ngai no gituikie gia guthumbura meciria mao. Ona ningi nikuri andu aria matakoragwo na bata muiganu hari uhoro wama nigetha methomere na merute o ene.

12. Ni atia Yahshuah aheanire mukaana uhoro-ini wigie ahenania matuku-ini maya ma kurigiriria? **Mathayo 24:4,5,11,24**
13. Niatia turigeragia maroho? **Isaia 8:20**
14. Ni muthingi-ini uriku ari o muhaka twake niguo tukorwo twi nama ati tutingituika a kuhenio? **Aefeso 2:20-22; Agalatia 1:8; 2 Akorintho 13:1; Aroma 3:4**
15. Ni wagi wa wendo uriku atungatiri amwe makonania hari gwitikira uma wa Kiugo githeru kia Ngai? **Ezekieli 22:26-31**